



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

De Cappellis Et Altaribus minoribus. Cap. XIV.

urn:nbn:de:hbz:466:1-11399

pijs item mysteriorum passionis Christi Domini imaginibus excultum, & inaurato artificio certis locis periti vii iudicio decoratum, religiosi & venerandi ornatus formam exhibeat.

Intrinsicus autem tabulis populeis circumfictum esse debet, vel alijs eiusmodi; ut ab humiditate, que ex metalli marmorisve genere existit, sanctissima Eucharistia illo amictu omnino defendatur.

Vbi tabernaculum eiusmodi non fiat; tunc est tabulis, non nuceis, vel alijs, que humiditatem gignunt, sed populeis, aut similibus politè elaboratis, & religiosum ut supra imaginum sculptura ornatis, iisdemque inauratis exstruatur.

Amplum pro dignitate, & magnitudine, rationeve ecclesie, in cuius altari maiori collocandum est.

Forma vel octangula, vel sexangula, vel quadrata, vel rotunda, prout decentius & religiosius accommodata videbitur ad ecclesie formam.

In summo tabernaculi sit imago Christi gloriösè resurgentis, vel sacra vulnera exhibentis: vel si in altari exiguae alii cuius ecclesie per tabernaculi occupationem congruus locus cruci (que alias super eo collocaretur) esse non potest, ea pro alia sacra imagine in tabernaculi summitate vel perpetuo affigatur, vel processionum causa aliquando amouenda, decorè constitutatur, affixa Christi crucifixi sacra effigie.

Bene præterea idem tabernaculum super altari basis ornata firmitudine suffultum, aut firmis altaris gradibus decorè confectis, aut angelorū statuis, alijsve suffulcamentis religiosum ornatum exhibentibus sustentatum, firmiter fixum hæreat; tum bene etiam clavi munatum sit.

A summo fronte altaris procul collocatum extet, non minus cubito uno & vniuersis sexdecim, ita ut corporale latè expandi, & pixis, cum aliquando susvenit, commode in altari ponri possit: neque rursus à fronte sic distet, ut ad sacrā Eucharistiam depromendam sacerdoti gradu etiam ligneo opus sit; nisi situs, & illius structurę ratio aliud necessarium postulet.

In insignioribus porrò ecclésijs, vbi profertim à tergo altaris chorus est, pro quo illarum structurę ratione eius altaris latitudo ampla admodum est, remotius esse potest: quoniam ab illa chorū parte posteriori commode & decenter ipsa sacra Eucharistia è tabernaculo summi potest: tuncque ab eadem chorū parte ostiolum alterum prescripta forma fiat.

Atque sub tabernaculo armariolum nullum sit; ac ne afferuandis quidem libris, supellectilive ecclesie locus sit.

Vbi in altari ita ut supra collocari, suffulciri præ illius angustia tabernaculum totum non potest: à tergo suppositis basibus, aut alijs suffulcamentis bene firmis, illud aut totum, aut pars nitatur; ea tamen forma & ratione, ut neq; spatiū inter altare & parietem interiectum (quādo exiguum est) impeditur, quominus altare circuiri poscit.

Panno serico rubri coloris, si ambrosiani ritus ecclesia sit; aut albi, si Romani, intus ab omni parte vestitum atque ornatum sit.

Ostiolum habeat ab anteriori parte ita patens, ut parvulum alterum tabernaculum, quod intus in eo includitur, facile commodeq; introducatur, & expromatur: ita præterea ad aperiendum accommodatum, ut totum in frontispicio laterē planè hærens, sacerdotis inde sacrā Eucharistiam depromendis brachium manumve non impedit.

Sit verò ornatum sacra Christi Domini crucifixi, aut resurgentis, aut vulneratum pectus exhibentis imagine, aut alia pia effigie.

DE C A P P E L L I S E T Altaribus minoribus. Cap. XIV.

Hæc breuiter de altari, & cappella majori, deque adiunctis dicta sint: restat separatim alia instructio de cappellis & altaribus minoribus, præter ea que suo loco demonstrata, maioribus & minoribus cappellis, altaribusve communiter conueniunt.

Primum igitur cum altaria plura exadificari oportet, & ecclesia instar crucis ex-

exstructa abside constans duo quasi brachia habet; tunc à capite vnius & alterius brachij locus apte communiens erit, vbi altaria duo ædificantur; vnum à dextro, alterum à sinistro; si modò spatiū sit pro modo latitudinis infra præfinitę. Is locus, si cappella cùm altari ibi exstruenda est, latè patere debet cubitos ad minimum nouem & vncias octo. Si verò ad hemicycli formam parietis concavitas facienda est, cui altare inhæreat; eius loci latitudinē esse oportet cùbitorum saltē sex & vnciarū sexdecim. Quocunq; etiam Ecclesia, sive tribus nauibus, sive una tantum constat, extra sive cappellæ maioris situm, ab utriusq; lateris capite locum habeat, sicut supra mox præfiniuimus, ita patentem, vbi in uno & altero item latere, pro modo formaq; præscripta, cappella, & altare decole apteq; exedificari possit, aut ad hemicycli saltem speciem parietis concavitas fieri queat, cum altare innixum hæreat; cum in eiusmodi Ecclesia, præter illas duas quæ à brachijs sunt, aliæ etiam cappellæ cum altaribus exstruendæ sunt, in utriusque illius lateris capite exædificari poterunt; nisi illis quæ in capitibus brachiorum sunt, vicinæ nimium sint, contra ac præscriptum est.

Quarum cappellarum unaquæque, sive in dextero, sive in sinistro latere ita exstruatur, vt vbi plures naues sunt, in medio nauis sit, in cuius capite est. Vbi verò ex una solùm nauि Ecclesia cōstat, in medio parietis spatio struatur, quod inter cappellam maiorem & angulum Ecclesiæ interiectum est; ita tamen, vt hæc à maiori cappella saltem distet cubitis duobus: si modò ædificij ratio, pro oneris quod sustinet, grauitate, structuræ forma, spatiū maius non postulet.

Si verò ad hemicycli formam in parietis concavitate altare collocandum est: id etiā in medio illo, vel nauis, vel spatiij vt supra interiecti fieri debet: sic tamen, vt altari maiori non valde prope exstruatur; quominus sacerdos in uno celebrans, ab alio qui sacrum in altero facit, impediri, perturbari voleat. Id igitur omne, quod de cappellis, altaribusq; in uno & altero item latere

à capite Ecclesiæ exstruendis mox præscriptum est; in Ecclesijs locum habere potest, vbi cappella maior exstructa, & altare ibi situm ita existit, vt intus sit spatio cubitorum saltem quatuor.

Qribus verò in Ecclesijs præ situs angustia altare maius cappellam non habet; aut si habet vsq; adeo illa exigua est, vt altare in ea exstructum foras in Ecclesiam versus promineat; indeq; altaria quæ à lateribus sunt, facile prospiciantur: tunc ab ijs partibus, lateribusve, quæ ab illarum capite sunt, etiam si spatiū pro ædificationis ratione supra præscriptum aptè ampleq; interiectum esset, altaria tamen fieri non debebunt; tum quia dum in uno altari sacerdos sacrum ficeret, ob propinquitatem alterum sacerdotem in alio celebrantem impediaret, aut interturbaret.

Vbi item altaribus compluribus opus est; illorū ædificationi locus tertius propteræ aptus erit, nempè Ecclesiæ latus, utrumque; vnum scilicet quod ad meridiem, alterum quod ad septentrionem vergit.

Quo in utroque latere cappellæ cum altaribus exstruiri poterunt, quæ ab Ecclesiæ corpore extent, forisq; promineant: sed in illis exstruendis ex infra præscriptæ rationes seruari debebunt.

Vt cappellæ æquè inter se distantes exædificantur; ramq; lato spatio inter unam & alteram interiecto, vt ab vniuersitatisq; cappellæ utroque latere fenestræ exstruiri possint, vnde lumen aptè aperteq; excipiatur.

Si verò ita inter se distantes exstruiri non possunt, coniunctæ tamen ita fiant, vt semicirculi, aut semioctanguli forma prominenti spatiū inter se præbeant, unde lux à lateribus recipiatur.

Vt in Ecclesia, quæ nauibus pluribus cōstat, è conspectu intercolumnij omnino recte sint; nè ipsis columnis pilisve earū prospectus impediatur.

In ecclesia autem quæ vnam tantum nauim habeat, medium planè respiciant, quod inter vnum & alterum arcum tignumve est, quo teatrum opere fornicate aut laqueato suffulcitur, sustineturve: aut si cappellæ latitudo superet latitudinem eiusmodi spatiij, neque illud fieri

V queat;

queat; summitate arcus cappellæ ad perpendicularum tignum suffineatur.

Cappellæ minores omnes, vna eadēque latitudine, longitudine, & altitudine constent; ac demum omni ex parte, quoad eius fieri potest, sibi inuicem concueriant. Quæ vero tamē sunt in capite brachiorum Ecclesiæ Crucis formam exhibentis, ex pro ratione situs, vt ceteris aliquantò ampliores, sic forma illustriori etiam esse poterunt; modò inter se illæ vna alteri omni alia ex parte rident: Ne subter suggestum, vnde vel organo sonatur, vel Euāgelium Epistolæ pro nunciatur, aut concio habetur, vnde ve canitur vlo modo cappellæ minores altaria ve exædificantur.

Ne inter pilam structilem columnâve, aut arcum tignumve, quo tectum sufficitur, in ingressu Ecclesiæ primo loco situm, & parietem qui ab anteriore Ecclesiæ parte est, cappella vla extriatur; nisi illa tantum, que in Ecclesijs vbi animarum cura geritur, baptisterij colloquandi causa nomineve sine causa exædificantur est.

Altaria cappellæve à pariete qui in frōtispicio Ecclesiæ è regione. Altaris majoris est, nullo modo exædificantur; neq; item alio in loco, in quo sacerdos celebrans terga vertat cappellæ majori.

Cappellæ minoris latitudo patens esse poterit cubitis nouem, aut vndecim, & amplius prout est; Ecclesiæ situs amplitudo: nec vero minor cubitis septem. Longitudo autem ab ingressu usq; ad parietem cui altare adhaeret, ducta, minor cubitis septem esse non debet videtur; vt & ministranti clero spatijs satis sit, & ne quidquam de Ecclesiæ parte aut naui cancellis occupetur. neque maior item: vt ne populus qui in Missæ sacro præsens adeat, cappellarum lateribus impediatur, quominus ab omni ferè Ecclesiæ parte sacerdotem celebrantem conspiciat.

Si vero tantum spatij cappellis minoribus dari non potest, fieri poterit etiam longitudine minor, quinque videlicet cubitorum & vnciarum octo.

Quæ ratio cum locum planè non habeat in illis cappellis, quæ in capite Ecclesiæ à latere cappellæ majoris sunt; ideo illæ

longitudine aliquanto maiores permitti poterunt quam aliæ.

Si præ situs angustia quibusdam in Ecclesijs, cappellæ que præfinito modo formaque foris omnino emineant, extriui non queant; extriui poterunt saltem, vt maximè pro eiusdem situs ratione foris extare prominere possunt. Sin aut loci situs is est, vt edificari non queant, que foris vt prescriptū est, emineant, atq; extant; ab Ecclesiæ vno & altero itē latere necessaria tātum altaria fieri poterunt; extriuctis parietis cōcavitate hemicyclis, scaphisve, pro situs lociq; ratione foras decore p̄minentibus. Si vero ne ad hemicycli quidem formā extriui vlo modo possunt; tunc altaria parieti herentia, ob causam necessariam tantum fieri poterunt; aut eretis columnis duabus, aut alijs fulcimentis decentibus intus ab Ecclesiæ pariete paululum extantibus, uno à dextero, altero à sinistro latere.

Quæ ambæ columnæ inter se à superiori parte opere fornicate vel eiusmodi cōiuncta sint, aut hemicyclis pictura saltē ad ornatus speciem decorè expressis.

Quæcunque denique altaria, ob causas supra expositas ijs in locis extriuentur, extriuctave; vbi præ situs angustia cappellæ magnitudine præfinita edificari non possunt, ita vt cancelllos clathrave à recto pariete extare forisq; promineat necesse sit; ea singula in arctum sic redigi poterunt, vt cubitum vnum & vncias sexdecim non excedant; nec vero super ijs gradus vllus adhibeat, vt & illa, & cancelli, quam minimam possunt, ferris promineant.

Eorundem tamen altarium cancelli à scabello seu bradella cubiti vnius & vnciarum saltem octo spatio iutericto figantur, vt id spatijs clero in Missæ sacro ministranti omnino detur.

Denique si Ecclesiæ amplitudo latè patens id fert, angustior fieri poterit, extriuctis ab viroque latere cappellis longitudine, & altitudine, ac forma supra prescripta; cùm præ amplitudine valde patenti, locus earum instructioni supra præfinitæ intus eiusmodi esse possit, vt Ecclesiæ altitudinis spatij inter illas interiectum congruenter etiam patet,

Cap-

Cappellarum minorum pavimentum alius quam Ecclesiæ solum octo vnijs strui debet, amplius verò aliquando ut infra permitti poterit.

Vniuersusque cappellæ minoris limen, ubi per facultates fieri potest, è marmore, lapide vel solidi esse debet; ac, sexdecim, & ad summum viginti vncias latè pateat; tum eiusmodi sit, ut & ingressus gradum faciat, & ipsum cappellæ solum æquet: isq; unus tantum gradus ad cappellæ ascensum exstruatur.

At præter illum liminis gradum, duos alios inferiores, p loci suisve ratione, & cappelle amplitudine, ubi maior pluribus gradibus exstructa sit, fieri permisum erit: siq; si minus è marmore, at saltem è solidi lapide, aut deum è lateribus sint.

Borum latitudo eadem sit, que supra demonstrata est de liminis gradu: de altitudine idem seruetur, quod dictum est de gradibus cappellæ majoris.

Vnaqueque cappella, sicut de majori dictum est, fornicato opere exstruatur.

Altaria in fronte media vniuersusque cappelle construantur, non à lateribus. Ea singula minora à scabelli, quam bradellam vocant, solo, superficie, in altitudinem erecta sint cubitis duobus, & vnijs octo.

Longè pateant cubitis quatuor & dimidio nec verò min⁹ quatuor saltē cubitis. Lata sint cubitis duobus.

Scabellum seu bradella altaris, tabulis assertibusve ligneis cōficiatur; latitudine que sit cubitorum duotū, altitudine vniçrum octo.

Longius præterea quā altare ita pateat, ut vnumquodque eius latus excedat vnijs sexdecim, neq; verò plus cubito, rursum ab utroque latere illud cingat; si modò præ angustia cappelle, hæc latitudine lateralis non impedit clericum ministrantem: tunc enim non excedat, sed tantum adæquet altare.

COMMVNA CAPPELLARVM Altarium ve majorum & minorum. Cap. XVIII.

D E minoribus cappellis & Altari bus brevi hac instructione explica sequuntur communia cappellarum,

altarium ve majorū & minorum, que in exstruzione seruanda sunt.

Altaria non ex opere ligneo, sed ex lapidibus lateribusve exstruere debebunt; atq; ita vndiq; obstrui, ut fenestella forame ve nulla ex parte in ipsis relinquatur, ubi quidquā asseruari recondive possit. Nec verò ideo prohibentur altaria, que quatuor pluribusve lapideis collumellis aut pilastratis angularibus suffulciatur, qualia in prouincia Mediolanensis vsa cernuntur, quin etiam altaria quamvis muro obstructa, eiusmodi pilastratis ab angulis suffulciri congruum est; ne pars illa Christinæ iniuncta, si latericia sit, facile decurrata collabatur.

Neque præ terea sub ijs quidquam omnino reponatur.

Altaria singula, que non tota cum sacerdote item celebrante opere fornicato, sed tecto laqueato teguntur, aut fornix ita altè exstructa, ut ea fornix commode sapientiusq; purgari non queat, integrum etiam, quod capocielo dicunt, operiantur.

Idq; vel ex marmore solidove lapide, aut etiam latericio opere erectis columnis quatuor, si altare maius est; si minus, lateraleve, duabus, aut alijs decentibus fulcimentis intus ab Ecclesiæ pariete paululum distantibus, uno à dextero, altero à sinistro latere, que operimentū sustineant opere fornicato aliave ratione confectum, vel ex tabulis seculib; aut è tela cœrulea decenter depicta fieri poterit.

Quod è ligno aut tela integumentum, cathenis ferreis è tecto vel è pariete pedibus, aut alia firma structura sustineat. Hic autem operimentum cuiusmodi sit, vndiq; ita latè patere debet, ut altare ipsum, & Sacerdos ibi Missæ sacram faciens, omnino contegatur; quo diligenter & ille & Altare, à puluer e omniq; labenti sorde defendatur.

Sit verò hoc integumentum usque adeo Altari proximum, ut ab eo aliquantis per pro decori ratione elatum, commode tamen & facile purgari queat.